

SCRIPT OF EVENING GOJRI NEWS BULLETIN 29 MAY2026
1700HRS

گو جری نیوز بلیٹن 29 مئی 2026

یوہ آکاشوانی جموں ہے ظفر اقبال تے نصرت تیں خبر سُنو۔

HEADLINES

۱۔ وزیر اعلیٰ عمر عبداللہ نے سرینگر مانہ بھارت سویزرلینڈ غا سفیر مایا تیسافی سنگ مُلاقات کی۔ جس مانہ سیاحت تے باغبانی مانہ تعاون ور تبادلہ خیال کیو گیو۔

۲۔ مدھیہ پردیش غا وزیر اعلیٰ موہن یادو نے ہائی کورٹ غا حالیہ فیصلہ غے بعد مدھیہ پردیش غا دھار مانہ ماں واگ دیوی مندر غی ترقی غا ماٹل غی تلاش واسطے ویشنو فیوی مندر غو دورو کیو۔

۳۔ تمام منسوخ شدہ ریل گڈی غی بحالی گا کماں غی تکمیل تیں بعد 31 مئی تیں دوباری اپنو کم شروع کریں غی۔

۴۔ بھدرواہ 6 جون نانہ چوتھا لائینڈر فیسٹیول غی میزبانی کرن واسطے پوری طرح تیار ہے مرکزی وزیر ڈاکٹر جتندر سنگھ اس تقریب غو افتتاح کریں گا۔

۵۔ محکمہ موسمیات نے کل توڑی جموں کشمیر مانہ گج ایک مقامات ور ہلکی بارش تے تیز آندھی چکھڑ چلن غی پیشن گوئی کی ہے۔

SWISS AMB CM

دو طرفہ تعاون نانہ مضبوط بنان غی سمت غا ایک اہم قدم مانہ بھارت، سویزرلینڈ غا سفیر ایچ ای محترمہ مایا تیسافی نے اج سرینگر مانہ وزیر اعلیٰ عمر عبداللہ سنگ مُلاقات کی ہے تے باہمی دلچسپی غا امور بشمول پائیدار سیاحت باغبانی تے اس سنگ منسلک شعباں ور تبادلہ خیال کیو۔ بات چیت مانہ تعاون تے بہترین طریقہ غا تبادلہ گا مواقع تلاش کرن ور توجو مرکوز کی گئی قابل ذکر ہے جے گزشتہ روز سویس سفیر نے سرینگر غا لوک بھون مانہ لیفٹیننٹ گورنر سنگ وی مُلاقات کی۔ ان مُلاقاتاں مانہ سویزرلینڈ تے جموں کشمیر غے بشکار کلیدی ترقیاتی شعباں مانہ تعاون بدھان غی کوششاں ور وی لوہ کلی گئی۔

MOHAN YADAV KATRA

مدھیہ پردیش غا وزیر اعلیٰ موہن یادو نے حال ہی مانہ مندر غا انتظامیہ نظام تے یاتریاں غی سہولیات غو مطالبو کرن واسطے سنئیر افسران غے سنگ معزز شری ماتا ویشنو دیوی گا مزار غو دورو کیو۔ قابل ذکر ہے جے یوہ دورو مدھیہ پردیس حکومت غی طرفوں ما واگ دیوی مندر نانہ ویشنو دیوی مندر غی طرح ترقی دین غی کوششاں غو حصو ہے۔ جس مانہ مزبئی سیاحت تے ہجوم غا انتظام ور توجہ دتی گئی وفد نے حفاظتی انتظامات سفاٹی ستھرائی سی سی ٹی وی غے ذریعے نگرانی تے تکنیک ور مبنی حجاج غی خدمات توں متعلق انتظامات گو جائیزو وی لیو۔ عہدے داراں نے سالانہ لکھاں عقیدت منداں گا انتظام واسطے شرائین بورڈ غا کامیاب انتظامی ماٹل گو وی جائیزو لیو۔ دورہ غے دوران میڈیا

سنگ گل بات کرتا واں مدھیہ پردیس گا وزیر اعلیٰ موہن یادو نے کجھ اس طرح
کہیو-----

Dy CM SDH

نائب وزیر اعلیٰ سریندر چودھری نے اج سب ضلع اسپتال نوشہرہ غو دورو کیو
تانجے ات موجود طبی سہولیات تے مریضاں غی دیکھ بہال غا انتظامات غو
جائیزو لیو جاسکے۔ دورہ غے دوران انہاں نے مریضاں تے ان غا تیمارداراں تیں
گل بات کی تے ان گا مسائل سُنیا، نال ہی اسپتال غا مجموعی نظام گو وی جائیزو
لیو۔ انہاں نے متعلقہ محکمہ صحت غا حکام نانہہ ہدایت دتی کہ عوام نانہہ بہتر
طبی سہولیات، بروقت اعلاج، تے مریضاں غی اچھی دیکھ بہال فراہم کی جے۔
نائب وزیر اعلیٰ نے کہیو کہ عوام نانہہ معیاری صحت غی سہولت دینو حکومت
غی اولین ترجیح ہے تے حکام نانہہ اسپتال غی خامیاں نانہہ دور کرغے طبی نظام
مزید مضبوط بنان غی ہدایت دی۔ اس موقع ور بولتا واں نائب وزیر اعلیٰ نے اس
طرح کہیو-----

RAIL TRAFFIC RESUMED

کٹھوعہ تے مادھو پور غے بشکار ریلوے پُل نمبر 17 ور بحالی گو کم مکمل ہون
غے بعد جموں تون ان تے جان آلی عام ریل ٹریفک 9 ماہ تون زائد عرصہ غے
بعد 31 مئی تون مکمل طور ور بحال ہو جے غی۔ جس نانہہ پچھلا سال سیلاب
غی وجہ تون نقصان پوجیو تھو۔ جموں ریلوے ٹویزن نے موسم گرما گا رس نانہہ
سنہالان واسطے ٹرین نمبر 12426 جموں توی۔ نوی دہلی راجدھانی ایکس پریس تے
ریل نمبر 04082 کٹڑا نوی دہلی ایکس پریس مانہہ اضافی بوگیاں شامل کرن غے
علاوہ جون تون کئی پہلا منسوخ شدہ ریلان نانہہ دوبارہ شروع کرن غو اعلان کیو
ہے۔ ریلوے حکام نے کہیو کہ خدمات ان جان غا سلسلہ واسطے دواں لانا تے
آسانی سنگ چلیں غی۔

LAVENDER FESTIVAL

بھدرواہ مانہہ 6 تے 7 جون نانہہ چوتھی لیونڈر فیسٹیول تقریب منعقد وے غی جس
مانہہ جموں کشمیر تے دنیا بھر مانہہ پرپل ریولوشن تے لیونڈر تیں وابستہ دیہی
روزگار غی کامیابی نانہہ پیش کیو جے غوسی ایس آئی آر انڈین انسٹی ٹیوٹ آف
انٹیگریٹو میڈسن غی جانب تیں گورنمنٹ ڈگری کالج بھدرواہ مانہہ لیونڈر گوز گلوبل
غا عنوان تیں اس میلہ غو انعقاد کیو جارہیو ہے۔ مرکزی وزیر جتندر سنگھ اس
تقریب غو افتتاح کریں

غا۔ ڈائریکٹر سی ایس آئی آر۔ آئی آئی ایم زبیر احمد نے دسیو کہ سی ایس
آئی آر اروما مشن تیں 5 ہزار تیں متہ کساناں تے کاروباریاں نانہہ فائدو پُجے ہے۔
اس میلہ مانہہ نمائش، تکنیکی تشستیں، تے ثقافتی پروگرام وی شامل ویں گا۔ ذرائع
ابلاغ سنگ گل کرتا واں، ڈائریکٹر زبیر احمد نے اس طرح کہیو-----

RAMBAN NRLM

لنك غے ذریعے وی براہ راست وزیراعظم نانہہ اپنی تجویز پہنچ سکیں۔ یہ تجویز
اج توڑی ہی قابل قبول وے گی۔
